

四庫全書

史部

# 欽定四庫全書

史部

大唐開元禮卷

七十三至  
八十三

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣劉宗望

欽定四庫全書

大唐開元禮卷七十三

唐 蕭嵩等 撰

吉禮

諸縣祈社稷

諸縣祈諸神

諸縣崇城門

諸縣祈社稷

前二日太司埽除壇之内外又為瘞瘠于壇北如常儀  
設縣丞以下次于社壇西門之外道北隨地之宜前一

日諸祈官皆于祭所清齋一日掌事者饌酒脯醢設縣丞位于稷壇西北掌事以下位于西門之內道北俱重行東向以南為上設贊唱者位于縣丞東北東面南上設望座位于埽北南向設縣丞以下門外位于西門之外道南俱重行北面以東為上其日夙興本司帥其屬守社壇四門去墻七十步所禁斷行人掌事入設神席樽坫罍洗篚冪如常祭之儀

每坐各籩一豆一篚實中二爵二配坐皆爵一置于

坫質明縣丞以下各服其服本司帥掌事者入實樽罍

祝以祝版各置于牀又以幣各置于篚設于饌所

其幣各長

一丈八尺

贊禮者引縣丞以下俱就門外位贊唱者先入就

位祝與執樽壘篚者入當社壇北重行南向以東為上  
立定贊唱者曰再拜祝以下皆再拜執樽者各升自西  
陞立于樽所執壘篚者各就位諸祝詣社壇升自西陞  
行埽除降又詣稷壇升行埽除訖諸祝奉幣篚入就瘞  
埽北位贊禮者引縣丞以下入就位立定贊唱者曰再  
拜縣丞以下皆再拜贊禮者進縣丞之左白請行事還

本位祝升詣酒樽所立贊唱者曰再拜縣丞以下皆再拜初白請行事掌饌者帥執饌者奉饌陳于西門之外祝以幣北向授析官析官奉幣自北陞登社壇南向跪奠于社神前訖興少退再拜訖復位又祝以幣授析官析官受幣升稷壇跪奠如社壇之儀訖掌饌者引饌入社稷之饌升自北陞配坐之饌升自西陞諸祝迎引于壇上各設于神坐前訖掌饌者降自西陞復位諸祝各還樽所贊禮者引縣丞詣盥洗盥手洗爵自社壇北陞

升詣社神酒樽所執樽者舉罍縣丞酌酒進詣社神坐  
前南向跪奠爵興少退南向立祝持版進神坐之左西  
向跪讀祝文曰維某年歲次月朔日子縣令姓名謹遣  
具位姓名敢昭告于社神久闕時雨黎元惟懼惟神哀  
此蒼生邀降靈液謹以制幣清酌脯醢明薦于社神以  
后土勾龍氏配神作主尚饗訖縣丞再拜祝進跪奠版  
于神坐興還樽所縣丞拜訖贊禮者引縣丞詣配坐酒  
樽所取爵于坵執樽者舉罍縣丞酌酒進詣后土氏神

坐前西向跪奠爵興少退西向立祝持版進于神坐之  
左南面跪讀祝文曰維某年歲次月朔日子縣令姓名  
謹遣具位姓名敢昭告于后土氏久闕時雨黎元惟懼  
惟神哀此蒼生邀降靈液謹以制幣清酌脯醢明薦于  
后土氏尚饗訖興縣丞再拜祝進跪奠版于神坐興還  
樽所縣丞拜訖贊禮者引縣丞詣壘洗手洗爵詣稷  
壇北陞升獻如社壇之儀

稷神及后稷氏  
祝文與上同

獻訖贊禮者

引縣丞降復位諸祝各進神坐前跪徹豆興還樽所贊



唱者曰再拜縣丞以下皆再拜贊禮者進縣丞之左白請就望  
座位贊禮者引縣丞就望座位南向立祝取幣及血寘于埴東西  
面各二人寘土半埴贊禮者進縣丞之左白禮畢遂引出諸執  
事者以次出諸祝與執樽壘匪者降復執事位贊唱者  
曰再拜祝以下俱再拜以出其祝版燔于齋所得雨報  
祠以羊豕其祭器之數及飲福受胙瘞幣血皆與正祭  
同祝文曰維某年歲次月朔日子縣令姓名謹遣具位  
姓名敢昭告于社神往以久闕時雨式陳情禱惟神鑒

佑降茲嘉液品物霑洽蒼生咸賴謹以制幣犧齊粢盛  
庶品明薦于社神以后土勾龍氏配神作主尚饗維某  
年歲次月朔日子縣令姓名謹遣具位姓名敢昭告于  
后土氏往以久闕時雨式陳誠禱惟神鑒佑降茲嘉液  
品物霑洽蒼生咸賴謹以制幣犧齊粢盛庶品明薦于

后土氏尚饗

稷神后稷  
祝文同

諸縣祈諸神

前一日本司設縣丞以下次于祈所隨地之宜又為瘞

瑤于神坐之南方深取足容物諸祈官皆于祈所清齋

一日掌事者饌酒脯醢

每坐遵豆各一

祈日質明去祈所五十

步禁止行人縣丞以下各服其服祝帥掌事者入設神

坐于北廂南向

若更有諸坐則以西為上

贊禮者帥執樽者設尊于

神坐之左北向設洗于酒樽東南北向壘水在洗東篚

在洗西南肆

篚實以中爵

執樽壘篚者各位于樽壘篚之後

設縣丞以下位于神坐東南重行西向以北為上設贊

唱者位于縣丞西南向設望瘞位于瘞瑤之南北向設

縣丞以下門外位于東門之外道南北向西上掌事者

入實樽罍祝以版置于牀又以幣置于饌所

其幣各長一丈八尺

贊禮者引縣丞以下俱就門外位贊唱者先入就位祝與執樽罍籩者入當神坐前重行北面西上立定贊唱者曰丹拜祝以下皆丹拜執樽罍籩者各就位祝進神坐前行埽除訖贊禮者引縣丞以下入就位立定贊唱者曰丹拜縣丞以下皆丹拜贊禮者進縣丞之左白請行事還本位祝升詣酒樽所立定贊唱者曰丹拜縣丞

以下皆再拜初白請行事掌饌者帥執饌者奉饌陳于西門之外祝以幣授縣丞縣丞奉幣跪奠于神坐訖興少退再拜掌饌者引饌入祝迎引于坐首各設于神坐前訖執饌者退復位祝還樽所贊禮者引縣丞詣罍洗盥手洗爵訖詣酒樽所執樽者舉舉縣丞酌酒贊禮者引縣丞詣神坐前北向跪奠爵興少退北向立祝持版進于神坐之右東向跪讀祝文曰維某年歲次月朔日子縣令姓名謹遣具位姓名敢昭告于某神爰以久闕

時雨黎元惟懼惟神哀此蒼生敷降靈液謹以制幣清酌脯醢明薦于某神尚饗訖興縣丞再拜祝進跪奠版于神坐興還樽所

若更有諸生析官酌獻皆如上儀惟不盥洗其祝文並同贊禮者

引縣丞還本位祝進神坐前跪徹豆興還樽所贊唱者曰再拜縣丞以下皆再拜贊禮者進縣丞之左白請就望座位縣丞就望座位祝以幣血寘諸埽東西面各二人寘土半埽贊禮者進縣丞之左白禮畢遂引縣丞以下出祝與執樽壘篚者俱復執事位贊唱者曰再拜祝

以下皆再拜以出其祝版燔于齋所若祈海瀆等其幣

沉之設奉幣位各向所祈之水沉之儀節一與祠同若

祈先代帝王其瘞幣如正祭之禮得雨報祠半饌飲福

受胙

若非岳鎮海瀆及先代帝王惟飲福不受胙

瘞幣血皆同祭社之禮

其

端之位仍依祈禮若海瀆等沉幣又並沉血其奉幣血位及沉之儀節皆准祈沉之禮若報祠先代帝王其幣

與祈同

餘皆與祈禮同祝文曰維某年歲次月朔日子縣

令姓名謹遣具位姓名敢昭告于某神往以久闕時雨

式陳誠禱惟神鑒佑降茲嘉液庶品霑洽蒼生咸賴謹

以制幣犧齊饗盛庶品明薦于某神尚饗

諸縣崇城門

報祠  
禮同

若霖雨不止禳祭城門設神坐皆內向設瓢齊之樽各  
于神坐之左設罍洗及篚于其後皆于酒樽之左俱內  
向設縣尉位于罍洗之左而右向執事者位于其後皆  
以近神為上贊禮者贊拜無幣不為瘞墻餘與祈諸神  
同祝文曰維某年歲次月朔日子縣令姓名謹遣具位  
姓名敢昭告于城門霖雨淹久害于百穀惟靈降福應



時開霽謹以清酌嘉薦明告于城門尚饗若雨止報祠  
用特牲飲福餘與崇禮同祝文曰維某年歲次月朔日  
子縣令姓名謹遣具位姓名敢昭告于城門前以霖雨  
式陳誠禱惟靈降祉應時開霽謹以清酌特牲粢盛庶  
品明薦于城門尚饗

大唐開元禮卷七十三

欽定四庫全書

大唐開元禮卷七十四

唐 蕭嵩等 撰

吉禮

諸太子廟時享

齋戒

陳設

晨裸

饋食

齋戒

將享有司卜日如別儀凡與享之官散齋二日致齋一

日散齋皆于正寢  
致齋于享所

散齋理事如舊惟不弔喪問疾不作

樂不判署刑殺文書不行刑罰不預穢惡致齋惟享事  
得行其餘悉斷其享官以下已齋而闕者通攝行事諸  
享官致齋之日給酒食及明衣各習禮于齋所前享一  
日諸衛令其屬未後一刻各以其方器服守衛廟門每  
人與太樂工人俱清齋一宿

陳設

前享二日右校清掃内外守宮設享官以下次于齋坊

之內前享二日太樂令設軒懸之樂于廟庭東方西方  
磬簾起北鐘簾次之南方北方磬簾起西鐘簾次之設三鋪  
鐘于編懸之間各依辰位樹路鼓于北懸之間植建鼓  
于三隅置祝敔于懸內祝在左敔在右設歌鐘歌磬于廟堂之  
上前楹間北向磬簾在西鐘簾在東其匏竹者立于堂  
下階間重行北向相對為首凡懸皆展而編之諸工人各位于  
懸後前享一日奉禮設享官以下位于東門之內道北  
執事位于道南每等異位俱重行西向以北為上設奉

禮位于樂懸東北贊者一人在南差退俱西向設協律  
郎位于廟堂之上前楹間近西東向設太樂令位于樂  
懸之間北向設門外位享官以下于東門外道南每等  
異位北向西上前享一日晡前三刻廟令帥府史齋即  
以樽坩罍洗篚罍入設于位其籩豆銅登陳于廟堂  
之東加以巾蓋籩豆各十登四俎二玉瓚一簠簋各二  
蕭蒿坩盤各一罍洗各一設器物者皆  
濯而陳之晡後三刻贊引引博士詣省視濯漑還樽所享日  
未明十五刻太官令帥宰人以鸞刀割牲取腍骨共實

一豆置于饌所

腍骨腸間脂

晨裸

享日未明四刻諸享官各服其服廟令良醢令各率其

屬入實樽罍

犧尊實以醴齊象尊實以盎齊山罍實以清酒其三尊之上尊實以玄酒爵七勺二筐

一并設洗于堂下其器烏漆為

太官令帥進饌者實諸籩豆簠簋未明

三刻奉禮帥贊者先入就位贊引引博士宮闈令及執

樽罍篚纂者入自東門當階重行北面西上立定奉禮

曰再拜訖贊引引博士升堂上各就位宮闈令開塹室

出神主置于坐位訖還執事位未明二刻謁者引享官

俱就門外位太樂令引工人入訖贊引引亞獻先入就

位再拜訖行埽除復位謁者引享官入就位立定奉禮

曰再拜享官等再拜訖謁者進初獻之左白有司謹具

請行事退復位協律郎跪俛伏舉麾

凡取物者皆跪俛伏而取以興奠物

則奠訖俛伏而後興

鼓祝奏肅和之樂三成偃麾戛敔樂止

凡樂皆協

律郎舉麾工鼓祝而後作偃麾戛敔而後止

奉禮曰衆官再拜衆官在位者

皆再拜謁者引初獻詣罍洗盥手洗爵訖謁者引初獻



升自東階詣取爵酌以授齋郎奠爵俛伏興再拜訖贊  
引引復位贊引引亞獻詣罍洗盥手洗爵升堂詣樽所  
酌酒入奠于神坐前興退戶外再拜訖少退立齋郎酌  
福酒兩爵合置一爵亞獻再拜跪受爵啐酒飲卒爵以  
爵授齋郎俛伏興再拜訖引復位次引終獻如亞獻之  
儀引復位訖奉禮曰賜胙贊者曰再拜飲福酒者不拜奏肅和  
之樂一成止贊者曰再拜在位者皆再拜訖贊引進初  
獻之左白禮畢贊引各引享官以次出贊引引博士以

下俱就執事位奉禮曰再拜博士以下皆再拜引出宮  
闈令納神主如常儀其祝版燔于齋坊

大唐開元禮卷七十四

欽定四庫全書

大唐開元禮卷七十五

唐蕭嵩等撰

吉禮

三品以上時享其廟

前享五日筮于廟門之外主人公服立于門東西面掌  
事者各服其服立于門西東面北上設筮席于闌西闕  
外筮者開籒出策兼執之東面受命于主人曰孝曾孫  
某來日丁亥祇享于廟尚饗

丁亥必亥則直舉一日以  
言之已亥辛亥苟有亥

馬可也 筮者曰諾進就筮席西向以韝擊筮遂述曰假爾

太筮有常曾孫其來日丁亥祇享于廟尚饗乃釋韝坐

筮訖興降席東面稱占曰從筮者退若不吉即筮遠日

如初儀贊禮者進主人之左告禮畢掌事者徹筮席先

享三日主人及亞獻終獻并執事者各散齋二日于正

寢致齋一日于廟所

同官寮佐之長為亞獻其次為終獻無則以親賓為之

子孫

及凡入廟者各于其家清齋一宿凡散齋不弔喪問疾

不作樂不行刑罰不預穢惡致齋惟享事得行其餘悉

斷其享官已齋而闕者通攝行事前一日之夕清掃內  
外掌廟者整拂神幄贊禮者設主人之位于東階東南  
西向亞獻終獻位於主人東南掌事者位於終獻東南俱重行  
西向北上設子孫之位于庭重行北向西上設贊唱者位于終  
獻西南西向又設亞獻以下門外位于東門之東執事者在南  
差退俱西向設牲腍于南門之外當門北向以西為上掌牲者  
位于牲西北東向諸祝位于牲後俱北向設亞獻省牲  
位于牲前近東西向設祭器之數每室尊二簋二簠二

登二鉶二俎二籩豆一品二品各十三品八掌事者以樽入設于前楹下各于室戶之東北向西上皆加勺罍

首坐爵一餘坐皆爵四置于北

設祭器于序東西向每坐簋在前簋次

之登次之鉶次之籩次之豆次之俎在後每坐異之皆以南為上屈陳而下設洗于東階東南東西當東甕南北以堂深疊在洗東加勺罍篚在洗西南肆實爵三巾二于篚加罍凡器物皆濯而陳之執樽疊洗篚者各立于樽疊洗篚之後掌牲者以牲就勝位贊禮引亞獻入詣東階升堂

徧視濯漑

于視濯執尊者皆舉畢告潔

訖引降就省牲位亞獻省牲掌

牲者前東面舉手曰膋還本位諸祝循牲一匝北面舉手

曰充俱還本位諸祝引掌牲者以次牽牲付厨贊禮者引

終獻詣厨省鼎鑊視濯漑

亞獻以下每事訖各還齋所

執饌者入徹簋

簋籩豆俎鉶以出享日未明烹牲于厨夙興掌饌者實祭

品

牲體皆載右胖前脚三節節一段有臂膂皆載之後脚三節節一段去下一節載上肱脰二節又取正脊脰脊

橫脊短脅代脅正脅各二骨以並餘皆不設簋實黍稷簋實稻梁籩實石鹽乾脯棗栗之屬豆實醢醬醢俎之類

主人以下各服其服掌事者入實樽罍

每室二尊一實玄酒為上一實醴齊次之

祝版各置於牀諸祝與奄人入立於庭北面西上立定皆再拜訖升自東階以次出神主各置於坐

夫人之主奄人奉出俱並而處右質

明贊禮者引亞獻以下及子孫俱就門外位贊唱者先入就位諸祝與執樽壘者入立於庭北面西上立定贊唱者曰再拜祝以下皆再拜各就位掌饌者奉饌陳於門外贊禮者引主人入就位又贊禮者引亞獻以下及子孫以次入就位立定贊唱者曰再拜主人以下皆再拜贊禮者進主人之左白請行事退復位掌饌者引饌入升自東階諸祝



迎引于神坐前

遷居右豆居左簋簋登銅居其間羊豕二俎橫陳重于右腊俎特于其左

執

爐炭蕭稷腍膋者各從其俎升置于室戶外之左其蕭稷各置于爐炭下施設訖掌饌以下降出諸祝各取蕭稷擣于脂燔于爐炭還樽所贊禮者引主人詣罍洗執罍者酌水執洗者跪取盤興承水主人盥手執篚者跪取巾于篚興進主人拭手執篚者受巾跪奠于篚遂取爵興以進主人受爵執罍者酌水主人洗爵執篚者又跪取巾于篚興進主人拭爵訖受巾跪奠于篚奉盤者

跪奠盤興

凡取物者跪俛伏而取以興奠物則奠訖俛伏而興

贊禮者引主人自

東階升堂詣某祖酒樽所執樽者舉幕主人酌酒贊禮

者引主人進詣某祖神坐前北向跪奠爵興出戶北向

立祝持版進于室戶外之右東面跪讀祝文曰維某年

歲次月朔日子孝曾孫某官敢昭告于某祖考某謚祖

妣某邑夫人某氏時惟仲春

夏云仲夏秋云仲秋冬云仲冬

伏增遠感

謹以柔毛剛鬣明粢薌合薌其嘉蔬嘉薦醴齊敬薦祠

享尚饗

春言祠夏言初秋言嘗冬言烝

訖興主人再拜祝進跪奠版于

神坐興還樽所贊禮者引主人以次酌獻如上儀

唯不盥洗

訖贊禮者引主人詣東序西向立諸祝各以爵酌福酒合置一爵祝持爵進主人之左北向立主人再拜受爵跪祭酒啐酒奠爵興諸祝各帥執饌者以俎入臧神前胙肉各置一俎上又以籩遍取稷黍飯共置一籩祝先以飯籩進主人受以授左右祝又以俎授主人每受以授左右訖主人跪取爵遂飲卒爵祝進受爵復于坫主人興再拜贊禮者引主人降自東階還本位西向立主

人獻將畢贊禮者引亞獻詣罍洗盥手洗爵升自東階  
詣某祖酒樽所執樽者舉罍亞獻酌酒贊禮者引亞獻  
進詣某祖神坐前北面跪奠爵興出戶北向再拜贊禮  
者引亞獻以次酌獻如上儀訖贊禮者引亞獻詣東序  
西向立諸祝各以爵酌福酒合置一爵一祝持爵進亞  
獻之左北向立亞獻再拜受爵跪祭酒遂飲卒爵祝進  
受爵復于坵亞獻興再拜贊禮者引亞獻降復位又贊  
禮者引終獻詣罍洗盥手升獻如亞獻之儀訖降復位

諸祝皆進神坐前跪徹豆興還樽所

徹者邊豆各一贊少移于故處

唱者曰再拜非飲福受胙者皆再拜贊唱者又曰再拜  
主人以下皆再拜贊禮者進主人之左白禮畢遂引主  
人出贊禮者引亞獻以下出子孫以次出諸祝與執樽  
壘篚者俱復執事位立定贊禮者曰再拜諸祝以下皆  
再拜執樽壘篚者出諸祝與闈人匱神主約于塲室如  
常儀祝版燔于齋所

褒聖侯祀孔宣父廟及王公以下皆此禮惟祝文別

大唐開元禮卷七十五

欽定四庫全書

大唐開元禮卷七十六

唐 蕭嵩等 撰

吉禮

三品以上祫享其廟 三品以下禘享其廟

三品以上祫享其廟

前享五日筮于廟門之外齋及設位牲牷祭器省牲皆如時享之儀掌事者以樽坩入設于廟堂之上皆于神坐之左昭坐之樽在前楹北向始祖及穆坐之尊在戶

外南向俱以近神為上皆加勺簋

若始祖在曾祖以下則設尊依親廟之式

其坐首爵一餘皆爵四各置于坫

設祭器于東序西向每坐簋在前簋

次之登次之鉶次之籩次之豆次之俎在後每坐異之

皆以南為上屈陳而下設洗於東階東南東西當東甬南

北以堂深壘水在洗東加勺簋篚在洗西南肆實爵三

巾二于篚加簋

凡器皆濯而陳之

執尊壘篚簋者各位于尊壘

篚簋之後享日未明烹牲于厨夙興掌饌者實祭器

牲體

皆載右腓前三節節一段肩臂膊皆載之後三節節一段下去一節載上肱脰二節又取正脊脰脊橫脊短脊



正脅代脅各二骨以並餘皆不設簋實稷黍簋實稻粱遵實石鹽乾脯棗栗之屬豆實醢醬醢菹之類掌廟

者設祫坐于廟堂之上自西序以東始祖坐于西序東

向昭坐于始祖東北南向穆坐于東南北向俱西上

若始封者

仍在曾祖之下則室東面之坐依昭穆南北設之每坐皆有屏几禮席設跌匱如式

主人以下各

服其服掌事者入實尊壘

每室四尊一實醴齊為上一實盎齊次之玄酒各實于上

尊玄酒者重古陳而不酌

祝版各置于牀諸祝與奄者入立于庭北

面西上掌事者持鬯與從人立于東階下西面北上立

定祝與奄者皆再拜訖帥腰興升自東階詣始祖廟入開

瑤室出神主置于輿出詣坐以主置于座以次出神主

如上儀

夫人之主奄人奉出俱並而處右

質明贊禮者引亞獻以下及

子孫俱就門外位贊唱者先入就位諸祝與執尊壘者入就于庭北面西上立定贊唱者曰再拜祝以下皆再拜各就位掌事者帥執饌者奉饌陳于門外贊禮者引主人入就位又贊者引亞獻以下及子孫以次入就位立定贊唱者曰再拜主人以下皆再拜贊禮者進主人之左白請行事退復位掌饌者引饌入升自東階祝迎

引于階上各設于神坐前

邊居右豆居左鉶登簋簋居其間羊豕二俎橫陳重于右

脂俎于左

執爐炭蕭稷黍腍膋者從其俎特并設于神坐之左

少後其蕭稷各置于爐炭下于施設訖掌饌以下降出

諸祝各取蕭稷孺于脂燔于爐炭還樽所贊禮者引主

人詣壘洗執壘者酌水執洗者跪取盤興承水主人盥

手執篚者跪取巾于篚興進主人拭手執篚者受巾跪

奠于篚遂取爵興以進主人受爵執壘者酌水主人洗

爵執篚者又跪取巾于篚興進主人拭爵訖受巾跪奠

于篚奉盤者跪奠盤興

凡取物者皆跪俛伏而取以興奠物則奠訖俛伏而後興

贊

禮者引主人自東階升堂詣始祖酒樽所執樽者舉

主人酌醴齊贊禮者引主人進詣始祖神坐前西向跪

奠爵興少退西向立祝持版進于神坐之右北面跪讀

祝文曰維某年歲次月朔日子孝曾孫封某官敢昭告

于祖考某謚封歲序推移伏增遠念謹以柔毛剛鬣明

粢薌合薌其嘉蔬嘉薦醴齊敬薦祫事于始祖考某謚

封始祖妣夫人某氏配尚饗

祖考及子孫依尊卑稱號其祝文同

訖興主

人再拜祝進跪奠版于神坐興還尊所贊禮者引主人

依昭穆酌獻如上儀

唯不盥洗

訖贊禮者引主人詣東序西

向立諸祝各以爵酌福酒合置一爵一祝持爵進主人之左北向立主人再拜受爵祭酒啐酒奠爵興諸祝各帥執饌者以俎進臧神前胙肉各置一俎上又以籩遍取糗黍飯共置一籩祝先以飯籩進主人受以授左右祝又以俎以次進主人每受以授左右訖主人跪取爵遂飲卒爵祝進受爵復于坫主人興再拜贊禮者引主

人降自東階還本位西向立主人獻將畢贊禮者引亞  
獻詣壘洗盥手洗爵升自東階詣始祖酒尊所執尊者  
舉冪亞獻酌盞齊贊禮者引亞獻進詣始祖神坐前西  
面跪奠爵少退西向再拜贊禮者引亞獻以次酌獻如  
上儀訖贊禮者引亞獻詣東序西向立諸祝各以爵酌  
福酒合置一爵一祝持爵進亞獻之左北向立亞獻再  
拜受爵跪祭酒遂引卒爵祝進受爵復于坵亞獻興再  
拜贊禮者引亞獻降復位又贊禮引終獻詣壘洗盥洗

升獻如亞獻之儀訖降復位諸祝皆進神坐前跪徹豆

興還樽所

徹者遵豆各一少移于故處

贊唱者曰再拜非飲福受胙

者皆再拜贊唱者又曰再拜主人以下皆再拜贊禮者進主人之左白禮畢遂引主人出贊禮者引亞獻以下及子孫以次出諸祝與執樽壘籩者俱復執事位立定贊唱者曰再拜諸祝以下皆再拜執尊壘籩者出諸祝與奄者匱神主置于興納于埽室如常儀

三品以下禘享其廟

前享五日筮于廟門之外齋及設位牲腍祭器皆如時  
享之儀掌事者以樽坩入設于廟堂皆于神坐之左昭  
坐之尊在前楹間北向始祖及穆坐之尊在戶外南向  
俱以近神為上未毀廟之尊坩于前楹下各于室內之  
東北向西上皆加勺簋

其首坐爵一餘坐  
皆爵四各置于坩

設祭器于東

序西向每坐簋在前簋次之登次之鉶次之籩次之豆  
次之俎在後每坐異之皆以南為上屈陳而下設洗于  
東階東南東西當東甕南北以堂深壘水在洗東加勺



罍篚在洗西南肆實爵三市二篚加罍

几器皆濯而陳之

執尊

罍篚罍者各位于樽罍篚罍之後享日未明烹牲于厨

夙興掌饌者實祭器

牲體皆載右胖前脚三節節一段肩臂臑皆載之後脚三節節一段

去下一節載上肱脇二節又取正脊脰脊橫脊短脅正脅代脅各二骨以並餘皆不設簋實黍稷簠實稻粱籩實醢醢醬醢之類掌廟者設神坐于廟堂之上自西

序以東始祖坐于西序東向昭坐于始祖東北南向穆坐

于始祖東南北向俱西上其未毀廟之主各于其室如

時享

若始封者仍在即各于其室如時享

主人以下各服其服掌事者入

實尊壘

每室四尊一實醴齊為上一實盞齊次之玄酒祝各實于上尊設玄酒者重古設而不酌者也

版各置于牀諸祝與奄者入立于庭北面西上掌事者持胥與從入立于東階下西面立定祝與奄者皆再拜訖帥胥與升自東階詣始祖廟入開瑤室出神主置于輿出詣坐前以主置于坐以次出毀廟神主如常儀未毀廟主出置于室內之坐如時享

夫人之主奄人奉出俱並而處右

訖

出還齋所質明贊禮者引亞獻以下及子孫俱就門外位贊唱者先入就位諸祝與執樽壘者入立于庭北面

西上立定贊唱者曰再拜祝以下皆再拜各就位掌饌者奉饌陳于門外贊禮者引主人就位又贊禮者引亞獻以下及子孫以次入就位立定贊唱者曰再拜主人以下皆再拜贊禮者進主人之左白請行事退復位掌饌者引饌入升自東階諸祝迎引于階上各設于神坐前

籩居左豆居右簋簋登鉶居其間羊豕二俎橫陳重于右腊俎特于左

執爐炭蕭稷黍

胖臂者從其俎升設于神坐之左少後其蕭稷各置于爐炭下施設訖掌饌以下降出諸祝各取蕭稷擣于脂

燔于爐炭還樽所贊禮者引主人詣罍洗執罍者酌水  
執洗者跪取盤興承水主人盥手執篚者跪取巾于篚  
興進主人拭手執篚者受巾跪奠于篚遂取爵興以進  
主人受爵執罍者酌水主人洗爵執篚者又跪取巾于  
篚興進主人拭爵訖受巾跪奠于篚奉盤者跪奠盤興  
凡取物者跪俛伏而取以興贊禮者引主人自東階升  
奠物則奠訖俛伏而後興

堂詣始祖酒尊所執尊者舉簋主人酌醴齊贊禮者引  
主人詣始祖神坐前西向跪奠爵興少退西向立祝持

版進于神坐之右北面跪讀祝文曰維某年歲次月朔

日子孝曾孫某官封敢昭告于始祖考某謚祖妣夫人

某氏歲序推移伏增遠感謹以柔毛剛鬣明粢薌合薌

其嘉蔬嘉薦醴齊祗薦禘享于始祖考某謚尚享

祖考及子

孫各依尊卑 糾號祝文同 訖興主人再拜祝進跪奠版于神坐興還

樽所贊禮者引主人依昭穆入室酌獻如上儀

惟不贊盥洗

禮者引主人詣東序西向立諸祝各以爵酌福酒合置

一爵一祝持爵進主人之左北向立主人再拜受爵跪

祭酒啐酒奠爵興諸祝各帥執饌者以俎進減神前胙肉各共置一俎上又以籩遍取稷黍飯共置一籩祝先以飯籩進主人受以授左右祝又以俎以次進主人每受以授左右訖主人跪取爵遂飲卒爵祝進受爵復于坵主人興再拜贊禮者引主人降自東階還本位西向立初主人獻將畢贊禮者引亞獻詣罍洗爵升自東階詣始祖酒尊所執尊者舉罍亞獻酌盞齊贊禮者引亞獻進詣始祖神坐前西向跪奠爵興少退西向再拜贊

禮者引亞獻以次酌獻如上儀訖贊禮者引亞獻詣東序西向立諸祝各以爵酌福酒合置一爵一祝持爵進亞獻之左北向立亞獻再拜受爵跪祭酒遂飲卒爵祝進受爵復于坵亞獻興再拜贊禮者引亞獻降復位又贊禮者引終獻詣罍洗盥洗升獻如亞獻之儀訖降復位諸祝皆進神坐前跪徹豆興還尊所徹者籩豆各一少移于故處贊唱者曰再拜非飲福受胙者皆再拜贊唱者又曰再拜主人以下皆再拜贊禮者進主人之左白禮畢遂引

主人出贊禮者引亞獻以下及子孫以次出諸祝與執樽罍篚者俱復執事位立定贊唱者曰再拜諸祝以下皆再拜執樽罍篚者出諸祝與奄者匱神主置于輿納于塲室如常儀

大唐開元禮卷七十六



欽定四庫全書

大唐開元禮卷七十七

唐 蕭嵩等 撰

吉禮

四品五品時享其廟

前享五日筮于廟門之外主人公服立于門東西面掌  
事者各服其服立于門西東面北上設筮席于闌西闕  
外西面筮者開贛出策兼執之東面受命于主人主人  
曰孝曾孫某來日丁亥祗享于廟尚饗

非必丁亥也直  
舉一日以言之

己亥辛亥苟有亥焉可也筮者曰諾進就筮席西面以犢擊筮遂述

曰假爾太筮有常孝曾孫某來日丁亥祇享于廟尚饗  
乃釋犢坐筮訖興降席東面稱占曰從筮者退若不吉  
則筮遠日如初儀贊禮者進主人之左告禮畢掌事者  
徹筮席先享三日主人及亞獻終獻並執事者各散齋  
二日于正寢致齋一日于廟所同官僚佐之長為亞獻其次為終獻無則親賓  
為子孫及凡入廟者各于家清齋一宿散齋不弔喪  
問疾不作樂不行刑罰不頒穢惡致齋惟祭事得行其

餘悉斷其享官已齋而闕者通攝行事前一日之夕清  
掃內外掌廟者整拂神幄贊禮者設主人之位於東階東南  
西向亞獻終獻位于主人東南掌事者位于終獻東南  
俱重行西向北上設子孫之位于庭重行北面西上設  
贊唱者位于終獻西南西向設亞獻以下門外位于門  
外之東執事者在南差退俱西向設牲膀于南門北向  
以西為上掌牲者位于牲西北東向諸祝位于牲後俱  
北向設亞獻省牲位于牲前近東西向祭器之數每室

尊二簋二簋二登二鉶二俎二籩六豆六掌事者以尊

入設于前楹下各于室戶之東北向西上皆加勺罍

首坐

爵一餘坐爵四置于尊下

設祭器于東序西向每坐簋在前簠次之

登次之鉶次之籩次之豆次之俎在後每坐異之皆以

南為上屈陳而下設洗於東階東南東西當東雷南北以堂

深壘水在洗東篚在洗西南肆實爵三巾二于篚加罍

几器皆濯而陳之

執樽壘洗篚者各位于樽壘洗篚之後掌事

者以牲就腍位贊禮者引亞獻入詣東階升堂遍視滌

濯于視濯執尊者皆舉冪告潔

訖引降就省牲位亞獻省牲掌牲者

前東面舉手曰臚還本位諸祝各循牲一匝北向舉手

曰充還本位諸祝與掌牲者以次牽牲付厨贊禮引終

獻詣厨省鼎鑊視濯溉

亞獻以下每事訖各還齋所

執饌者入徹簋

簋籩豆鉶以出享日未明烹牲于厨夙興掌饌者實

祭器

牲體皆載右胖前脚三節節一段肩臂膈皆載之後脚三節節一段去下一節載上肱脇二節又取

正脊脰脊橫脊短脊正脅代脅各二骨以並餘皆不設簋實黍稷簋實稻粱籩實苴脯棗栗之屬豆實醢醬醢

菹之類

主人以下各服其服掌事者入實尊壘

每尊二一實玄酒為

上一實醴  
齊次之

祝版各置于尊所諸祝入立于庭北面西上  
立定皆再拜訖升自東階整拂几筵訖出還齋所質明  
贊禮者引亞獻以下及子孫俱就門外位贊禮者先入  
就位諸祝與執尊者入立于庭北面西上立定贊唱者  
曰再拜祝以下皆再拜各就位掌饌者奉饌陳于門外  
贊禮者引主人入就位又贊禮者引亞獻以下及子孫  
以次入就位立定贊唱者曰再拜主人以下皆再拜贊  
禮者進主人之左白請行事退復位掌饌者引饌入升

自東階諸祝迎引于階上各設于神坐前

邊居左豆居右簋簋登鉶

居其間羊豕二俎橫陳重于右腊俎特于左

執爐炭蕭稷膊者各從其俎

升置于堂戶外之左其蕭稷各置于爐炭下施設訖掌

饌以下降出諸祝各取蕭稷擣于脂燔于爐炭還尊所

贊禮者引主人詣壘洗執壘者酌水執洗者跪取盤興

承水主人盥手執篚者跪取巾于篚興進主人拭手執

篚者受巾跪奠于篚遂取爵興以進主人受爵執壘者

酌水主人洗爵執篚者又跪取巾于篚興進主人拭爵

訖受巾跪奠于篚奉盤者跪奠盤興

凡取物者跪俛伏而取以興奠物則

奠訖俛伏而後興

贊禮者引主人自東階升堂詣某祖酒尊所

執尊者舉罍主人酌酒贊禮者引主人進詣某祖神坐

前北面跪奠爵興出戶北向立祝持版進戶外之右東

面跪讀祝文曰維某年歲次月朔日子孝曾孫某封官

無封者但稱官

敢昭告于某祖考某謚封時惟仲春

夏云仲夏秋云仲秋

冬云仲冬伏增遠感謹以柔毛剛鬣嘉薦普淖醴齊敬薦祠

其初嘗蒸各隨時言

于某祖考某謚封某祖妣夫人某氏配尚饗



祖考及子孫各依尊卑稱號祝文同訖興主人再拜祝進跪奠版於神坐興還

尊所贊禮者引主人以次酌獻如上儀

惟不盥洗

訖贊禮者

引主人詣東序西向立諸祝各以爵酌福酒合置一爵一祝持爵進主人之左北向立主人再拜受爵跪祭酒啐酒奠爵興諸祝各帥執饌者以俎入臧神前胙肉各共置一俎上又以籩遍取稷黍飯共置一籩祝先以飯籩進主人受以授左右又以俎授主人每受以授左右訖主人跪取爵遂飲卒爵祝進受爵復尊所主人興再

拜贊禮者引主人降自東階還本位西向立初主人獻將畢贊禮者引亞獻詣壘洗手洗爵升自東階詣某祖酒尊所執尊者舉罍亞獻酌酒贊禮者引亞獻進某祖神坐前北向跪奠爵興出戶北向再拜贊禮者引亞獻以次酌獻如上儀訖贊禮者引亞獻詣東序西向立諸祝各以爵酌福酒合置一爵一祝持爵進亞獻之左北向立亞獻再拜受爵跪祭酒遂飲卒爵祝進受爵復于尊所亞獻興再拜贊禮者引亞獻降復位又贊禮者

引終獻詣壘洗盥手升獻如亞獻之儀訖降復位諸祝皆進神坐前跪徹豆興還尊所

徹者邊豆各一少移于故處

贊唱者

曰再拜非飲福受胙者皆再拜贊唱者又曰再拜主人以下皆再拜贊禮者進主人之左白禮畢遂引主人出贊禮者引亞獻以下及子孫以次出諸祝與執尊壘篚者俱復執事位立定贊唱者曰再拜諸祝以下皆再拜與執尊壘篚者出

大唐開元禮卷七十七

欽定四庫全書

大唐開元禮卷七十八

唐 蕭嵩等 撰

吉禮

六品以下時祠

王公以下拜掃

寒食拜掃附

六品以下時祠

前享五日筮于正寢之堂

若有廟者筮于廟門外如五品以上之儀

主人公

服立于堂上楹間近東西面掌事者立于楹間近西東面北上設筮席于主人之西西面筮者開籒出策兼執

之東面受命于主人主人曰孝孫某來日丁亥春祠

有廟者云祇享

于廟下同

尚饗筮者曰諾進就筮席西面以韉擊筮遂述曰

假爾泰筮有常孝孫某來日丁亥春祠尚享乃釋韉坐

筮訖興降席東面稱占從筮者退若不吉則筮遠日

如初儀贊禮者進主人之左告禮畢掌事者徹筮席先

享三日主人及亞獻終獻并執事者各散齋二日致齋

一日

亞獻終獻親賓為之

子孫及凡預享事各清齋一宿散齋不

弔喪問疾不作樂不行刑罰不預穢惡致齋惟享事得

行其餘悲斷其已齋而闕者通攝行事前一日之夕清掃內外贊禮者設主人之位于東階東南西向亞獻終獻位於主人東南掌事者位于終獻東南俱重行西向北上設子孫之位于終獻西南西面設亞獻以下門外位于門外之東執事者在南差退俱西向設牲勝于南門之外當門北向以西為上掌牲位于牲西北東向諸祝位于牲後俱北向設亞獻省牲位于牲前近東西向祭器之數每坐尊二簋一簠一登一鉶一俎一籩二豆二掌事者以

尊入設于楹下近東北向西上皆加勺簋

首坐爵一餘皆爵四置于

尊

下設祭器于東序西向每坐簋在前簠次之登次之銅

次之遵次之豆次之俎在後每坐異之以南為上設洗

於東階東南東西當東雷南北以堂深壘水在洗東加勺簋

篚在洗西南肆實爵二巾二于篚加冪

凡器物皆濯而陳之

執尊

壘洗篚者各位于尊壘洗篚之後掌牲者以牲就勝位

亞獻省牲掌牲者前東面舉手曰臚還本位諸祝各循

牲一匝北面舉手曰充俱還本位諸祝與掌牲者以次



牽牲付厨贊禮者引終獻詣厨省鼎鑊視濯漑

亞獻以下每事

訖各還齋所

執饌者入徹簋簠籩豆登鉶以出享日未明烹

牲于厨夙興掌饌者實祭器

牲體皆載右胖前脚三節節一段有臂臑皆載之後

脚三節節一段去下一節載上肱胫二節又取正脊脰脊橫脊短脊正脊代脊各二骨以並餘皆不設簋實稷簋實黍籩實脯棗豆實苴醢主人以下各服其服掌事者入實尊壘

每室二尊一實玄酒為上一實醴齊次之

祝版各置于尊所諸祝設神坐于

正寢室內祖坐在西東向禰坐在祖坐東北南向皆有  
几訖各就位贊明贊禮者引亞獻以下及子孫俱就位

諸祝與執尊壘者入立于庭北面西上立定贊唱者曰  
再拜祝以下皆再拜各就位掌饌者奉饌陳于門外贊  
禮者引主人入就位又贊禮者引亞獻以下及子孫以  
次入就位立定贊唱者曰再拜主人以下皆再拜贊禮  
者進主人之左白請行事退復位掌饌者引饌入升自  
東階諸祝迎引于階上各設于神坐前籩居左豆居右  
簋簋登銅居其  
間組橫  
于其前執爐炭蕭稷膊者從其俎升置于堂戶外之  
左其蕭稷各于爐炭下施設訖掌饌以下降出祝取蕭

稷擣于脂燔于爐炭還樽所贊禮者引主人詣罍洗執  
罍者酌水執洗者跪取盤興承水主人盥手執篚者跪  
取巾于篚興進主人拭手執篚者受巾跪奠于篚遂取  
爵興以進主人受爵執罍者酌水主人洗爵執篚者又  
跪取巾于篚興進主人拭爵訖受巾跪奠于篚奉盤者  
跪奠盤興凡取物者皆跪俛伏而取以興奠物則奠訖俛伏而後興贊禮者引主人  
自東階升堂詣祖酒尊所執尊者舉罍主人酌酒贊禮  
者引主人進詣祖神坐前西向跪奠爵興少退西向立

祝持版進于神坐之右北面跪讀祝文曰維某年歲次

月朔日子孝孫某官封某

無封者單稱官無官者稱名而已

敢昭告于

祖考某諡封祖妣夫人某氏時惟仲春

仲夏仲秋仲冬

伏增遠

感謹以剛鬣嘉薦普淖醴齊祇薦祠事尚饗

考及子各依尊卑稱

疏其祝文並同

訖興主人再拜祝進跪奠版于神坐興還尊所

贊禮者引主人詣祖考酒尊所酌酒進祖考神坐前北

向跪奠爵興少退北向立祝持版進于祖考神坐之左

西向跪讀祝文餘皆如上儀

惟不盥洗

訖贊禮者引主人詣

祖坐前近東西向立諸祝各以爵酌福酒合置一爵一  
祝持爵進主人之左北向立主人再拜受爵跪祭酒啐  
酒奠爵興諸祝各帥執饌者以俎入臧神前胙肉共置  
一俎上又以籩遍取稷黍飯共置一邊祝先以飯籩進  
主人受以授左右祝又以俎次授主人受以授左右訖  
主人跪取爵遂飲卒爵祝進受爵復于尊所主人興再  
拜贊禮者引主人降自西階還本位西向立初主人獻  
將畢贊禮者引亞獻詣罍洗手洗爵升自東階詣祖

酒尊所執尊者舉罍亞獻酌酒贊禮者引亞獻進詣先祖神坐前西向跪奠爵興少退再拜贊禮者引亞獻酌酒北面獻爵餘如上儀訖贊禮者引亞獻詣祖神坐前近東西向立諸祝各以爵酌福酒合置一爵一祝持爵進亞獻之左北向立亞獻再拜受爵跪祭酒遂飲卒爵祝進受爵復于尊所亞獻興再拜贊禮者引亞獻降復位又贊禮者引終獻詣罍洗盥手升獻如亞獻之儀訖降復位諸祝皆進神坐前跪徹豆興還樽所

徹者遽豆各一少移

于敬處

贊唱者曰再拜非飲福受胙者皆再拜贊唱者又曰再拜主人以下皆再拜贊禮者進主人之左白禮畢遂引主人出贊禮者引亞獻以下及子孫以次出諸祝與執尊壘籩者俱復執事位立定贊唱者曰再拜諸祝以下皆再拜與執尊壘籩者出

王公以下拜掃

先期卜日如常儀前一日掌事者設次于塋南百步道東西向北上備焚翦草木之器贊禮者設主人以下位

于塋門外之東西面以北為上其日主人到次改服公服無者常服贊禮者贊再拜主人以下俱再拜贊禮者引主人以下入奉行墳塋

精靈感慕有泣無哭

至于封樹內外環

繞展省三周其有荆棘慮與荒草連接者皆隨即芟翦不令火田得及掃除訖贊禮者引主人以下復門外位贊禮者引之次遂還第若假滿或遠行辭墓若外官假滿或京官遠行辭墓泣而後行其寒食上墓如前拜掃儀惟不卜日

古者宗子去在他國庶子無廟許望墓為壇以時祭今之上墓義或有憑然神道尚



幽不可逼黠瑩域宜于墓南山門之外設淨席為位望祭以時饌如平生所嗜若一塋數墓每墓各設位席昭穆異列以西為主上主人盥手奠爵三獻而止徹饌訖主人以下辭墓食餘饌者可于他處避不見墓孝子之情也

大唐開元禮卷七十八

欽定四庫全書

大唐開元禮卷七十九

唐 蕭嵩等 撰

賓禮

蕃國主來朝以束帛迎勞

遣使戒蕃主見日

蕃主奉見

受蕃國使表及幣

蕃主來朝遣使迎勞

前一日守宮殿次於候館門之外道右南向其日使者

至掌次者引就次蕃主服其國服所司引立于東階下

西面

凡蕃主進止所司先引制使皆謁者先導

使者朝服出次立於門西東面從者

執東帛立於使者之南蕃主有司出門東西面曰敢請事使

者曰奉制勞某主

稱其國名

有司入告蕃主迎於館門外之東西面

再拜使者與蕃主俱入使者先升立于西階上執東帛

者從升立于使者之北俱東面蕃主升立于東階上西

面使者執幣稱有制蕃主將下拜使者曰有後制無下

拜蕃主旋北面再拜稽首使者宣制訖蕃主進受幣

緣五足為

一求其蕃主答勞使各以土物其多少相准不得過勞幣勞于遠郊其禮同蕃主還贈于遠郊亦如之勞蕃使即無東帛退復位以幣授左右又再拜稽首使者出立于館門

外之西東面蕃主送于館門之外西面答使者蕃主揖使者俱入讓升蕃主先升東階上西面使者升西階上東面蕃主以土物饋使者使者再拜受蕃主再拜送物使者降出蕃主從出門外皆如初蕃主再拜送使者還蕃主入鴻臚迎引詣朝堂依方北面立所司奏聞舍人承勅出稱有勅蕃主再拜宣勞訖又再拜所司引就館如

常儀

皇帝遣使戒蕃主見日

前一日守宮設次于館門之外道右南向其日使者至  
掌次者引就次蕃主服其國服降立于東階下西面蕃  
主諸官立于蕃主之後西面北上使者朝服出次立于  
門西東面蕃主有司出門東西面曰敢請事使者曰奉制  
戒某主見日有司入告蕃主迎于館門外之東西面再  
拜使者與蕃主俱入使者升自西階東面蕃主升自東

階西面使者稱有制蕃主再拜宣制曰某日某主見蕃主又再拜稽首使者降出蕃主送於館門之外西面再拜使者還蕃主入

蕃主奉見

奉辭  
禮同

前一日尚書奉御整設御幄于太極殿北壁南向守宮設次太樂令展宮懸設舉麾位于上下鼓吹令設十二案乘黃令陳車輅尚輦奉御陳輿輦尚舍奉御鋪蕃主牀坐于御座西南東向並如常儀其日典儀設蕃主位

于懸南道西北面又設蕃國諸官之位于蕃主位後各依其班重行北面以西為上設典儀位于懸之東北贊者二人在南差退俱西面諸衛各勒所部列黃麾仗屯門及陳於殿庭太樂令帥工人入就位協律郎入就舉麾位所司迎引蕃主至承天門外通事舍人引就次本司入奏鈚戟近仗入陳如常典儀帥贊者先入就位侍中版奏請中嚴諸侍衛之官各服其服符寶郎奉寶俱詣閣奉迎蕃主服其國服出次通事舍人引立于閣外西廂



東面

若更有諸蕃以國大小為叙

蕃國諸官各服其服立于蕃主之

後俱東面北上侍中版奏外辦皇帝服通天冠絳紗袍乘輿以出曲直華蓋警蹕侍衛如常儀皇帝將出仗動太樂令令撞黃鍾之鐘右五鐘皆應協律郎舉麾鼓祝奏太和之樂以姑洗之均皇帝出自西房即御坐南向坐符寶郎奉寶置于御座侍衛如常偃麾戛鼓樂止

凡樂皆協律郎

舉麾工鼓祝而後作偃麾戛鼓而止

舍人引蕃主入門舒和之樂作至位

樂止典儀曰再拜贊者承傳蕃主再拜稽首侍中承制

降詣蕃主西北東面稱有制蕃主再拜稽首宣制訖又蕃主再拜稽首侍中回奏又承制降勞勅令升坐蕃主再拜稽首舍人引蕃主樂作蕃主至階樂止舍人接引升至坐後蕃主就坐俛伏侍中承制勞問蕃主俛伏避席將下拜侍中承制曰無下拜蕃主復位拜對如常侍中回奏又承制勞還館舍人引蕃主降自西階典謁承引樂作復懸南位樂止蕃主再拜稽首訖舍人引蕃主樂作蕃主出門樂止初蕃主升坐舍人引蕃國諸官以次

入就位立定典儀曰再拜贊者承傳蕃國諸官俱再拜稽首舍人承勅降自西階詣蕃國諸官西北東面稱勅旨蕃國諸官皆再拜稽首對訖又再拜稽首舍人回奏又承勅降勞還館蕃國諸官俱再拜稽首于蕃主出舍人引蕃國諸官以次出訖侍中前跪奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應鼓祝奏太和之樂皇帝降坐乘輿入自東房侍衛警蹕如常儀侍臣從至閣樂止

皇帝受蕃使表及幣

其勞及戒見  
日亦如上儀

前一日尚舍奉御整設御幄于所御之殿北壁南向守  
宮設使者次太樂令展宮懸設舉麾位于上下並如常  
儀其日典儀設使者位于懸南重行北面以西為上庭  
實位于客前典儀位于懸東北贊者二人在南差退俱  
西向諸衛勒所部列黃麾半仗屯門及入陳於殿庭  
太樂令帥工人入就位協律郎入就舉麾位所司引客  
至承天門外典謁引就次本司入奏鈸戟近仗入陳如

常典儀帥贊者先入就位侍中版奏請中嚴侍衛之官  
各服其器服符寶郎奉寶俱詣閤奉迎使者服其國服  
奉書出次通事舍人引立于閤外西廂東面從者執幣  
玉庭實立於後俱東面北上侍中版奏外辦皇帝服通天  
冠乘輿以出曲直華蓋警蹕侍衛如常儀皇帝將出伏  
動太樂令令撞黃鐘之鐘右五鐘皆應鼓祝奏太和之  
樂以姑洗之均皇帝出自西房即御座南向坐符寶郎  
奉寶置于御座侍衛如常儀樂止中書侍郎一人令史

二人持案預俟于西階下東向北上舍人引使者及庭

實入就懸南位使者初入門舒和之樂作立定樂止

大蕃

大使為作樂次蕃大使及大蕃使以下皆不設樂懸及黃麾仗

中書侍郎帥持案者進

詣使者前東面侍郎受書置于案回詣西階侍郎取書

升奏持案者退初侍郎奏書有司各帥其屬受幣馬于

庭典儀曰再拜贊者承傳使者以下皆再拜舍人前承

制降詣使者前蕃國主使者再拜對訖又再拜舍人回奏

又承勅問其臣下使者再拜對又勞使者以下拜對及

舍人回奏並如常儀舍人承制勅勞還館使者再拜舍人引使者以下出樂作止如常侍中前跪奏稱侍中臣言禮畢俛伏興還侍位皇帝興太樂令令撞蕤賓之鍾左五鍾皆應鼓祝奏太和之樂皇帝降坐乘輿入自東房侍衛警蹕如常儀侍臣從至閤樂止

大唐開元禮卷七十九



欽定四庫全書

大唐開元禮卷八十

唐 蕭嵩等 撰

賓禮

皇帝宴蕃國主

皇帝宴蕃國使

皇帝宴蕃國主

前一日尚舍奉御整設御幄于所御之殿北壁南向尚食奉御太官令各具饌守宮設次太樂令設登歌位于殿上展宮懸于殿庭設舉麾位于上下鼓吹令設十二案

乘黃令陳車輅尚輦奉御陳輿輦並如常儀其日尚舍奉御鋪蕃主牀座于御座西南蕃國諸官應升殿者坐于蕃主之後設不升殿者坐于西廊下俱東面北上尚食奉御設御酒樽太官令設蕃主以下酒樽並如常儀典儀設蕃主版位于懸南又設蕃國諸官之位于蕃主之後俱重行北向西上設典儀位于懸之東北如常儀諸衛各勒所部列黃麾仗屯門陳于殿庭太樂令帥工人二舞入就位協律郎入就舉麾位所司迎引蕃主至

承天門外通事舍人引入次

凡蕃客出入升降皆掌客監引

所司入奏

鉞戟近伏入陳如常典儀帥贊者先入就位侍中版奏請中嚴侍衛之官各服其器服符寶郎奉寶俱詣閣東迎蕃主服其國服出次通事舍人引立于閣外西廂東面蕃國諸官各服其國服立于蕃主之後俱東面北上侍中版奏外辦皇帝服通天冠絳紗袍乘輿以出曲直華蓋警蹕侍衛如常儀皇帝將出仗動太樂令令撞黃鐘之鐘石五鐘皆應協律郎舉麾鼓祝奏太和之樂鼓

吹振作

凡樂皆協律郎舉麾工鼓祝而後作偃麾戛鼓而後止

皇帝出自西房即

御座南向坐符寶郎奉寶置於御座侍衛如常儀典儀

一人升立於東階上贊者二人立於階下俱西面通事舍

人引蕃主入國諸官從入蕃主入門舒和之樂作蕃主

至位樂止其有獻物則從入陳于蕃主之前以西為上

立定典儀曰再拜贊者承傳蕃主及蕃國諸官皆再拜

侍中承旨降勅蕃主升坐蕃主再拜蕃主奉贊

具贊隨其國所

有一以輕者為之

曰某國蕃臣某敢獻壤莫侍中升奏又侍中

承旨曰朕其受之侍中降于蕃主東北西向稱有制蕃  
主再拜宣制訖蕃主又再拜訖以贊授侍中侍中以贊  
授所司又所司受其餘幣俱以東舍人承旨奉勅蕃國  
諸官等坐蕃國諸官俱再拜通事舍人引蕃主又通事舍人  
引蕃國諸官應升殿者詣西階蕃主初行樂作至階樂止通  
事舍人各引升立于座後初蕃國諸官詣西階其不升  
殿者通事舍人分引立于廊下席後立定殿上典儀唱  
就坐階下贊者承傳蕃主以下皆就位俛伏坐太樂令

引歌者及琴瑟至階脫履於下升就坐位其笙管者就階間北面立尚食奉御進酒至階殿上典儀唱酒至興階下贊者承傳蕃主以下皆俛伏興立坐後殿中監到階省酒尚食奉御奉酒進皇帝舉酒良醞令又行酒殿上典儀唱再拜階下贊者承傳蕃主以下皆再拜措笏受禪殿上典儀唱就坐階下贊者承傳蕃主以下皆就坐俛伏坐飲皇帝初舉酒登歌作昭和三終尚食奉御進受虛解奠于地登歌訖降復位觴行三周尚食奉御

進御食食升于階殿上典儀唱食至興階下贊者承傳  
蕃主以下皆執笏俛伏興立座後殿中監到階省案尚食  
奉御品嘗食訖以次進置御前太官令又行蕃主以下食  
案設訖殿上典儀唱就坐階下贊者承傳蕃主以下皆就  
坐俯伏坐皇帝乃飯休和之樂作蕃主以下皆飯御食畢  
樂止蕃主以下食訖尚食太官俱徹案又行酒遂設庶羞  
二舞以次入作若賜酒舍人前承旨詣受賜者前蒙賜者  
執笏俛伏起立坐後舍人稱賜酒蒙賜者再拜酒至蒙賜

者搢笏受解就席俛伏飲卒解俯伏起立授虛解又再拜就席俛伏坐會畢通事舍人贊蕃主興蕃主以下皆俛伏興立座後通事舍人引降樂作復懸南位樂止其廊下者通事舍人引復懸南位立定典儀曰再拜贊者承傳蕃主以下皆再拜若有筐篚舍人前承旨降宣勅蕃主以下皆再拜太府帥其屬以衣物以次授之訖蕃主以下又再拜通事舍人引出樂作出門樂止侍中前跪奏稱侍中臣某言禮畢俛伏興還侍位皇帝興太樂令撞鈇賓之鐘左



五鐘皆應奏太和之樂鼓吹振作皇帝降坐乘輿入自東房侍衛警蹕如常儀侍臣從至閣樂止

### 皇帝宴蕃國使

前一日尚舍奉御設御幄于殿之北壁南向太官令具饌守宮設使者次太樂令展宮懸于殿庭設舉麾位于上下並如常儀

若大蕃中使小蕃大使等以下則不設樂及黃麾仗

其日尚舍奉

御鋪使者牀于御座西南設不升殿者座席于西廂下俱東面北上典儀設使者位于懸南重行北向東上設

典儀贊者位于懸之東北如常儀諸衛各勒所部列黃麾半仗屯門及陳于殿庭太樂令帥工人二舞入就位所司迎引使者至承天門外通事舍人引就次所司入奏鉞戟近仗入陳如常典儀帥贊者先入就位侍中版奏請中嚴諸侍衛之官各服其器服詣閤蕃使以下服其國服出次通事舍人引立于閤外西廂東面從者立于使者之後重行東面北上侍中版奏外辦皇帝服通天冠絳紗袍

不設樂者則常服

乘輿以出曲直華蓋侍衛警蹕如

常儀皇帝將出仗動太樂令令撞黃鐘之鐘右五鐘皆

應協律郎舉麾鼓祝奏太和之樂

凡樂皆協律郎舉麾工鼓祝而後作偃麾

戛敬而後止

皇帝出自西房即御座西向坐符寶郎奉寶置

于御座侍衛如常儀樂止典儀一人升立于東階上贊者二人立于階下俱西面典儀引使者以下入就懸南位使者初入門作舒和之樂至位樂止立定典儀曰再拜贊者承傳使者以下皆再拜舍人前承旨降勅使者升坐使者以下皆再拜通事舍人引應升殿者詣西階

樂止如常通事舍人引立于座後其不升殿者分引詣廊下席後上下立定殿上典儀唱就座階下贊者承傳上下諸客各就座俛伏坐酒至階殿上典儀唱酒至興階下贊者承傳上下諸客皆俛伏興立座後太官令行酒殿上典儀唱再拜階下贊者承傳上下諸客皆再拜搯笏受觶殿上典儀唱就坐階下贊者承傳蕃使以下諸客皆就坐俛伏坐飲觴行三周食升階殿上典儀唱食至興階下贊者承傳上下諸客皆執笏俛伏興立座

後太官令行諸客案設食訖殿上典儀唱就坐階下贊者承傳上下諸客皆就坐俛伏坐上下諸客皆飯諸客食訖太官令俱徹案又行酒遂設庶羞二舞以次入作若賜酒舍人前承旨詣受賜者前蒙賜者執笏俛伏起立座後舍人稱賜酒蒙賜者再拜摺笏受觶就席俛伏飲卒觶俛伏興立授虛觶又再拜就席俛伏坐會畢通事舍人贊使者興上下諸客皆俛伏興立座後通事舍人引使者降樂作復懸南位樂止其廊下者分引復位立定典儀曰再拜

贊者承傳使者以下皆再拜若有筐篚舍人前承旨降  
宣勅使者以下又皆再拜太府帥其屬以次授之訖使  
者以下又再拜通事舍人引出樂作出門樂止侍中前  
跪稱侍中臣某言禮畢俛伏興還侍位皇帝興太樂令  
令撞蕤賓之鐘左五鐘皆應奏太和之樂皇帝降坐乘  
輿入自東房侍衛警蹕如常儀侍臣從至閤樂止

大唐開元禮卷八十

欽定四庫全書

大唐開元禮卷八十一

唐 蕭嵩等 撰

軍禮

皇帝親征類於上帝 纂嚴

齋戒

陳設

鑾駕出宮

薦玉帛

進熟

鑾駕還宮

纂嚴

纂嚴前一日日本司承制宣攝內外諸司各隨職備辦尚  
舍奉御施御幄坐于太極殿北壁下南向如常守宮設  
羣官文武次于東西朝堂如常儀典儀設羣官位于殿  
庭文東武西每等異位重行北向相對為首乘黃令陳  
草輅及玉輅以下及車旗之屬如常未明一刻開諸宮  
門諸衛勒所部列黃麾仗于門及陳于殿庭如常儀其  
日平明留從之官悉集朝堂次侍臣服平巾幘袴褶其將  
帥等及從行之官亦平巾幘袴褶留守之官公服上水



五刻侍中版奏請中嚴鉞戟近仗以次列于殿庭上水  
三刻通事舍人引羣官以次就位諸侍臣俱詣閤奉迎  
侍中版奏外辦皇帝服武弁之服御馬以出曲直華蓋侍  
衛警蹕如常即御坐南向坐典儀唱再拜羣官在位者  
皆再拜訖中書令承旨勅百寮訖通事舍人以次引羣  
官出侍臣跪奏禮畢俛伏興皇帝降坐御馬入自東房  
侍臣從至閤如常禮

齋戒

將告有司卜日如別儀前一日皇帝清齋于太極殿諸預告之官清齋于告所侍從之官應從升者及羣官客使等各于本司及公館諸軍將各于正寢俱清齋一宿

若在營者  
齋于軍幕

晡後一刻諸衛令其屬各以其方器服守衛

壝門與太樂工人俱清齋一宿

### 陳設

前告三日尚舍直長施大次於外壝東門之內道北南向尚舍奉御鋪御坐守宮設文武侍臣次于大次之後

太官在左武官在右俱南向又設告官及從駕羣官次各  
於常所設軍將次於外壝南門之外道東西向以北為上  
設陳饌慢於內壝東門之外道南北向前二日太樂令設  
宮懸之樂於壇南設登歌及舉麾位於壇上並如常儀右  
校掃除壇之内外郊社令積柴於燎壇方一丈高一丈二  
尺開上南出户方四尺前一日奉禮設御位於壇之東南  
西向設望燎位於柴壇之北南向設告官及從駕羣官版  
位於内外如常儀設軍將位于懸南每等異位重行北面

以西為上設軍將門外位於南壇之外道東每等異位重  
行西向北上郊社令帥府史與齋郎以尊坩罍洗篚畢入  
設於位並如常儀執樽罍篚畢者各位於樽罍篚畢之後  
告日未明十五刻太官令帥宰人烹牲於厨牲二一正座一配座未  
明四刻太史令郊社令各服其服升設昊天上帝神坐於  
壇上北方南向席罍稯秸設神坐於坐首

### 鑾駕出宮

皇帝武弁乘革輅備大駕及嚴鼓時刻奏請進發內外器

服皆如常儀前後備六軍

諸軍鼓嚴  
一准大駕

### 薦玉帛

其日未明二刻諸告官各服其服郊社令良醞令各帥

其屬入實樽壘及玉

天帝太樽二實以汎齊明水實  
于上樽山壘二一實玄酒為上

一實清酒次  
之玉幣以蒼

太祝以玉帛置於筐太官令帥進饌者

實籩豆簠簋等皆設於饌幔內未明一刻奉禮帥贊

者先入就位贊引引御史博士太祝以下及執事者入

行掃除如常儀訖各就位駕將至謁者贊引各引告官

以下及從告羣官客使先至者俱就門外位駕至大次  
門外廻輅南向千牛將軍降立輅右侍中進當鑾駕前  
跪奏稱侍中臣某言請降輅俛伏興還侍位皇帝降輅  
之大次郊社令以祝版進署如常謁者贊引各引從駕  
羣官就門外位太樂令帥工人以次入就位其升壇者皆脫履于  
下降納如常謁者贊引各引告官及從告羣官客使諸將軍

次入就位皇帝停大次半刻頃太常博士引太常卿立  
于大次門外當門北向侍中版奏外辦皇帝出次華蓋

侍衛如常儀

侍中負寶陪從如式

博士引太常卿太常卿引皇帝

凡太常卿前導皆博士先引

至內墻門外殿中監進鎮珪華蓋伏衛

停于門近侍者從入如常皇帝至版位西向立

每立定太常卿

與博士退立于左

太常卿前奏請再拜退復位皇帝再拜奉禮

曰衆官再拜贊者承傳

凡奉禮有詞贊者皆承傳

衆官在位者皆再

拜太常卿前奏有司謹具請行事退復位協律郎跪俛

伏舉麾

凡取物皆跪俛伏而取以興奠物則奠訖俛伏而後興

鼓祝奏豫和之樂

以圜鐘為角太簇為徵姑洗為羽樂六成偃麾戛敬樂

止

凡樂皆協律郎舉麾工鼓祝而後作偃麾戛敔而後止

太常卿前奏請再拜退

復位皇帝再拜奉禮曰衆官再拜衆官在位者皆再拜

太祝取玉幣于篚立于樽所太常卿引皇帝太和之樂

作

皇帝每行皆作太和之樂

皇帝詣壇升自南陛近侍者從升如常

儀皇帝升壇北向立樂止太祝以玉授侍中奉玉東向

進皇帝搢鎮珪

凡授物則搢鎮珪奠訖執珪俛伏興受

受玉幣登歌作肅和

之樂以大吕之均太常卿引皇帝北面跪奠于昊天上帝

神坐俛伏興太常卿引皇帝少退北向立再拜訖登歌



止太常卿引皇帝樂作皇帝降自南陛還版位西向立樂止

進熟

皇帝既升奠玉帛太官令出帥進饌者奉饌陳於內壝東門之外謁者引司徒出詣饌所司徒奉天帝之俎初皇帝既至位樂止太官令引饌入俎初入門奏雍和之樂以黃鐘之均自後接神之樂皆奏黃鐘之均至陛樂止饌升自午陛太祝迎引于壇

上各設於神坐前

籩豆蓋罍徹之如式

謁者引司徒以下降自東陛復

位諸執事各還樽所太常卿引皇帝詣罍洗樂作皇帝至罍洗

欽定四庫全書

卷八十一

樂止侍中跪取匱興沃水又侍中跪取盤興承水皇帝盥手黃  
門侍郎跪取巾於匱興皇帝悅手訖黃門侍郎受巾跪奠於匱黃  
門侍郎又取匏爵於匱興進皇帝受爵侍中酌罍水又侍中奉  
盤承水皇帝洗爵黃門侍郎又授巾如初皇帝拭爵訖侍中  
奠盤匱黃門侍郎受巾奠於匱皆如常太常卿引皇帝樂作  
皇帝詣壇升自南陛訖樂止謁者引司徒升自東陛立於樽所  
齋郎奉俎從升立於司徒之後太常卿引皇帝詣天帝酒樽所  
執樽者舉罍侍中贊酌汎齊訖壽和之樂作

皇帝每酌獻兩  
飲福酒皆作壽

和之  
樂  
太常卿引皇帝進天帝神坐前北面跪奠爵俛伏興太常卿

引皇帝少退北向立樂止太祝持版進於神坐之右東面跪讀祝

文

祝文臨  
時撰

訖興皇帝再拜初讀祝文訖樂作太祝進跪奠版於神

坐興還樽所皇帝拜訖樂止太常卿引皇帝進天帝神坐前北面

立樂作太祝以爵酌上樽福酒合置一爵一太祝持爵以授侍中

侍中受爵西向進皇帝再拜受爵跪祭酒啐酒奠爵俛伏興

諸祝各帥齋郎進俎太祝減神前胙肉如常太祝以俎授司徒奉

俎西向進皇帝受以授左右皇帝跪取爵遂飲卒爵侍中進

欽定四庫全書

大禮開元禮  
卷八十一

受爵以授太祝太祝受爵復於坫太常卿引皇帝樂作皇帝  
降自南陛還版位西向立樂止謁者引司徒降復位皇帝既  
降壇謁者引諸軍將詣壇東陛升立於天帝神坐前北向西  
上初軍將升太祝帥齋郎以爵酌鬯福酒進立於軍將之  
西東面北上軍將俱再拜受爵跪祭酒啐酒奠爵興太祝  
各帥齋郎進俎臠神前胙肉以次授軍將受以授齋郎  
軍將俱跪取爵遂飲卒爵太祝帥齋郎受爵復於坫  
軍將俱興再拜謁者引軍將降復位諸祝各進跪徹豆

興還樽所

徹者遵豆各一少移于故處

奉禮曰賜胙贊者唱衆官再

拜衆官在位者皆再拜

已飲福者不拜

豫和之樂作太常卿前

奏稱請再拜退復位皇帝再拜奉禮曰衆官再拜衆官

在位者皆再拜樂一成止太常卿前奏請就望燎位太

常卿引皇帝樂作皇帝就望燎位南向立樂止于羣官

將拜太祝各執篚進神坐前取玉幣祝版齋郎以俎載

牲體稷黍飯及酒爵各由陞登壇南行經懸內當柴壇

南東行自南陞登柴壇以玉幣祝版饌物置于柴上戶

內訖奉禮曰可燎東西面各六人以炬火燎半柴太常卿前奏禮畢太常卿引皇帝還大次樂作皇帝出內嬪門殿中監前受鎮珪華蓋侍衛如常儀皇帝入次樂止謁者引告官及從駕羣官客使等與諸軍將以次出贊引引御史太祝以下俱復執事位立定奉禮曰再拜御史以下皆再拜贊引出工人二舞以次出其祝版燭于齋所

鑾駕還宮如郊社之儀

大唐開元禮卷八十一

欽定四庫全書

大唐開元禮卷八十二

唐 蕭嵩等 撰

軍禮

皇帝親征宜于太社 齋戒

陳設

鑾駕出宮

薦玉帛

進熟

鑾駕還宮

齋戒

將告有司卜日如前儀前一日皇帝清齋于太極殿凡預告之官清齋于廟所近侍之官應從升者及羣官各使等各于本司及公館諸軍將各于正寢清齋一宿

若在

營者齋于軍幕

諸衛令其屬晡後一刻各以其方器服守衛社

宮門與太樂工人俱清齋一宿

陳設

前告三日尚舍直長施大次于社宮西門之外道北南向尚舍奉御鋪御坐守宮設文武侍臣次于大次之後文



官在左武官在右俱南向設告官及從駕羣官次各如常儀設軍將次于社宮北門之外道西東向以北為上前二日太樂令設宮懸之樂于壇北又設登歌及舉麾位于壇上並如常儀右校清掃內外又為瘞埴二于樂懸之北如常前一日奉禮設御位北門之內當社壇南向設太祝等奉幣血位于埴北如常設告官及從駕羣官版位于內外如常儀郊社令帥府史一人及齋郎以樽坩罍洗篚冪入設皆如常儀執樽罍篚冪者各位于樽

疊篚冪之後告日未明十五刻太官令帥宰人烹牲于

厨

牲用黑牛二齋郎以豆取牲血如常

未明四刻太史令郊社令各服其

服升設神席位如常

鑾駕出宮

皇帝服武弁乘革輅陳大駕鹵簿其嚴鼓時刻奏請進發內外器服皆如常儀前後備六軍

奠玉幣

其日未明二刻諸告官各服其服郊社令良醞令各率

其屬入實樽壘及玉

太樽實以醴齊配坐之象尊實亦如之其明水各實于上尊玉俱以

兩珪有卽

太祝各以幣置于篚

幣隨柱色各長一丈八尺

太官令帥進饌

者實諸籩豆簠簋等皆設于神厨未明三刻奉禮帥贊

者先入就位贊引引御史博士太祝諸執事者入行掃除如

常儀訖各就位鑾駕將至謁者贊引各引從駕羣官就門下

位太樂令帥工人次入就位

其升壇者皆脫履于下降納如常

謁者贊引告官及

從告羣官客使入就位皇帝停大次半刻頃太常博士

太常卿立于大次門外當門北向侍中版奏外辦皇帝出次

華蓋侍衛如常儀博士引太常卿太常卿引皇帝凡太常卿前導

皆博士社宮北門外殿中監進鎮圭華蓋仗衛停于門

外近侍者從入如常皇帝至版位南面立每立太常卿博士退立于

左太常卿前奏請再拜退復位皇帝再拜奉禮曰衆官

再拜贊者承傳凡奉禮有詞贊者皆承傳衆官在位者皆再拜太常

卿前奏有司謹具請行事退復位協律郎跪俛伏舉麾

凡取物者皆跪俛伏而取以興奠訖則俛伏興鼓祝奏順和之樂以函鐘之均

樂舞八成偃麾戛鼓樂止凡樂皆協律郎舉麾工鼓祝而後作偃麾戛鼓而後止

太常卿前奏請再拜退復位皇帝再拜奉禮曰衆官再拜衆官皆再拜諸祝俱取玉幣于篚各立于樽所太常卿引皇帝太和之樂作

皇帝每行皆作太和之樂

皇帝詣太社壇升

自北陞近侍者從升如常儀皇帝升壇南向立樂止太祝加玉于幣以授侍中侍中奉玉幣西向進皇帝受玉幣登歌作肅和之樂以應鐘之均太常卿引皇帝進南面跪奠于太社神坐俛伏興太常卿引皇帝少退南面再拜太常卿引皇帝立于東方西向又太祝以幣授侍

中侍中奉幣南面進皇帝受幣太常卿引皇帝進西向  
跪奠于后土氏神坐前俛伏興太常卿引皇帝少退西  
向再拜訖登歌止太常卿引皇帝降自北陛樂作太常  
卿引皇帝詣太稷壇升奠玉幣于太稷氏后稷氏升降  
皆如太社壇儀太常卿引皇帝降自北陛樂止皇帝還  
版位南向立樂止

進熟

皇帝既升奠玉幣太官令出帥進饌者奉饌入陳于西

門之外司徒奉太社之俎初皇帝既至位樂止太官  
令引饌入太社太稷之饌入自正門后土后稷之饌  
入自左闔俎初入門雍和之樂作饌至陞樂止太社  
太稷之饌升自北陞后土后稷之饌升自西陞諸祝  
迎引于壇上各設于神坐前設訖謁者引司徒以下  
降復位諸祝各還樽所太常卿引皇帝詣壘洗樂作  
皇帝至壘洗樂止侍中跪取匱興沃水又侍中跪取  
盤興承水皇帝盥手黃門侍郎跪取巾於篚興進帨

手訖黃門侍郎受巾跪奠于篚黃門侍郎又取爵于  
篚興進皇帝皇帝受爵侍中酌壘水又侍中奉盤承  
水皇帝洗爵黃門侍郎又授巾如初皇帝拭爵訖侍  
中奠盤匱黃門侍郎受巾奠于篚皆如常太常卿引  
皇帝樂作皇帝詣太社壇升自北陛樂止近侍官從  
升如常謁者引司徒升自西陛立于樽所齋郎奉俎  
從升立于司徒之後太常卿引皇帝詣太社酒樽所  
執樽者舉簾侍中贊酌醴齊訖壽和之樂作

皇帝每  
酌獻及



飲福酒皆作  
壽和之樂

太常卿引皇帝進太社神坐前南面跪奠

爵俛伏興太常卿引皇帝少退南向立樂止太祝持版

進于神坐之右西向跪讀祝文

其祝文臨時撰告以親征意

訖興皇帝

再拜初讀祝文訖樂作太祝進跪奠版于神坐前興還

樽所皇帝拜訖樂止太常卿引皇帝詣后土氏酒樽所

執尊者舉幕侍中取爵于玷進皇帝受爵侍中贊酌醴

齊訖樂作太常卿引皇帝進后土氏神坐前西向跪奠

爵俛伏興太常卿引皇帝少退西向立樂止太祝持版

進于神坐之左南向跪讀祝文訖興皇帝再拜初讀祝文訖樂作太祝進跪奠版于神坐興還樽所皇帝拜訖樂止太常卿引皇帝進太社神坐前南向立樂作太祝各以爵酌福酒合置一爵一太祝持爵以授侍中侍中受爵東向以進皇帝再拜受爵跪祭酒啐酒奠爵俛伏興諸祝各帥齋郎進俎太祝臧太社神前胙肉太祝以俎授司徒司徒奉俎東向進皇帝受以授左右皇帝跪取爵遂飲卒爵侍中進受爵以授太祝太祝受爵復于拈

皇帝俛伏興再拜樂止太常卿引皇帝樂作皇帝降自北陞詣  
壘洗樂止謁者引司徒從降皇帝至壘洗盥手洗爵侍中黃門  
侍郎贊洗如常訖太常卿引皇帝樂作皇帝詣太稷壇升自北  
陞樂止皇帝酌獻太稷后稷皆如太社后土之儀太常卿引皇  
帝降自北陞樂作皇帝還版位南面立樂止謁者引司徒降復  
位皇帝既降謁者引諸軍將升自西陞進立于太社神坐前南  
面西上初軍將升諸太祝各帥齋郎以爵酌壘福酒進立于軍  
將之東西南上軍將俱再拜受爵跪祭酒啐酒奠爵興諸太

祝各帥齋郎進俎減神前胙肉以次授軍將受以授齋郎軍將俱跪取爵遂飲卒爵太祝帥齋郎受爵復于坵軍將興俱再拜謁者引軍將降復位登歌作諸祝俱進徹豆還樽所登歌止

徹者豆還各一少移于故處

奉禮曰賜胙贊者唱衆官再拜衆官

皆再拜

已飲福受胙者則不拜

樂作太常卿前奏稱請再拜退復位

皇帝再拜奉禮曰衆官再拜衆官皆再拜樂一成止太常卿前奏請就望瘞位太常卿引皇帝樂作皇帝至望瘞位南向立樂止于羣官將拜諸祝各執篚進神坐前取玉幣

齋郎以俎載牲體稷黍飯爵酒各由其陛降壇南行當  
瘞垣西行諸祝以玉幣饌物置于垣訖奉禮曰可瘞垣  
東西面各四人寘土半垣太常卿前奏禮畢太常卿引  
皇帝還大次樂作皇帝出社宮門殿中監前受鎮珪華蓋侍衛  
如常儀皇帝入次樂止謁者贊引各引告官及從駕羣官  
以次出贊引引御史以下俱復執事位立定奉禮曰再  
拜御史以下皆再拜贊引引出工人以次出其祝版燔  
於齋所

鑾駕還宮如常儀

大唐開元禮卷八十二

欽定四庫全書

大唐開元禮卷八十三

唐 蕭嵩等 撰

軍禮

皇帝親征告于太廟 齋戒

陳設

鑾駕出宮

晨裸

饋食

鑾駕還宮

凱旋獻俘

解嚴

齋戒

將告有司卜日如別儀前一日皇帝清齋於太極殿凡預告之官清齋於廟所近侍之官應從升者及羣官客使等各于本司及公館清齋一日諸軍將亦各于正寢清齋一宿

若在營者  
齋于軍幕

諸衛令其屬晡後一刻各以其方

器服守衛廟門與太樂工人俱清齋一宿

陳設

前告三日尚舍直長施大次于廟東門之外道北南向



尚舍奉御鋪御坐守宮設文武侍臣次于大次之後文  
官在左武官在右俱南向設告官及從駕羣官次各如  
常儀設軍將次于南門之外道東西向以北為上前二  
日太樂令設宮懸之樂于廟庭設登歌及舉麾位于殿上並如  
常儀右校清掃內外前一日奉御設御坐于東階東南西向  
告官及從駕羣官版位設于內外如常儀設軍將位于懸南  
每等異位重行北面以西為上設軍將門外位於南門  
之外道東每等異位重行西面北上設酒樽之位于堂

上前楹間各于室戶之左北向春夏每室雞彝一鳥彝一

犧尊二山罍二秋冬簠彝一黃彝一著樽二山罍二皆加

勺幕俱西上各有玷焉

以置  
瓚爵

設罍洗篚幕於常所

篚實  
以巾

爵珪  
瓚

執樽罍篚幕者各位于樽罍篚幕之後太廟令整

拂神幄又帥府史齋郎以樽玷罍洗篚幕入設于位告

日未明十五刻太官令帥宰人以鸞刀割牲於厨

每室各  
積一

鑾駕出宮如園丘之儀

皇帝服武弁乘革輅前後備六軍嚴鼓並准大駕

晨裸

其日未明三刻諸預告之官各服其服太廟令良醢令

各帥其屬入實樽壘

雞彝斚彝犧尊著尊之上尊皆實以明水山壘之上尊實以玄酒烏彝黃

彝實以鬱鬯犧尊著尊實以醴齊山壘實以清酒

太官令帥進饌者實諸籩豆

簠簋等未明二刻奉禮帥贊者先入就位未明一刻贊引引

御史博士太廟令太祝宮闈令及令史當祝史執樽壘籩簠

者陞間北面西上立定奉禮曰再拜贊者承傳

凡奉禮有詞贊

者皆承傳太廟令以下皆再拜升自東階入開埽室奉出九

室神主各置于坐如常儀訖引就位駕將至謁者贊引  
各引告官以下通事舍人分引從告羣官諸方客使先  
至者俱就門外位駕至大次門外迴輅南向千牛將軍  
降立于輅右侍中進當鑾駕前跪奏稱侍中臣某言請  
降輅俛伏興還侍位皇帝降輅乘輿之大次太廟令以祝版  
進署如常儀謁者贊引各引告官及從駕羣官俱就門外  
位協律郎太樂令帥工人次入就位  
其升堂者皆脫履  
于下降納如常  
謁者贊引各引告官通事舍人分引從告羣官客使諸

軍將等次入就位皇帝停大次半刻頃太常博士引太

常卿立大次當門北向侍中版奏外辦皇帝出次華蓋侍

衛如常儀太常博士引太常卿太常卿引皇帝

凡太常卿前導

皆博士先引

至廟門外監中殿進鎮珪華蓋伏衛停於門外

近侍者從入如常皇帝至版位西向立

每立定太常卿博士退立于左

太常卿前奏稱請再拜退還位皇帝再拜奉禮曰衆官再拜衆

官在位者皆再拜

其先拜者不拜

太常卿前奏有司謹具請行事退復

位協律郎跪俛伏舉麾

凡取物者皆跪俛伏而取以興奠物則藁訖俛伏而後興鼓

祝奏永和之樂乃以黃鐘之均樂舞九成偃麾戛鼓樂止太常卿前奏稱請再拜退復位皇帝再拜奉禮曰衆官再拜衆官在位者皆再拜太常卿引皇帝詣壘洗太和之樂作皇帝至壘洗樂止侍中跪取匱興沃水又侍中跪取盤興承水皇帝搢鎮珪

凡受物則搢鎮珪奠訖執珪俛伏興

皇帝

盥手黃門侍郎跪取巾于篚興進皇帝帨手訖黃門侍郎受巾跪奠于篚黃門侍郎又取瓚于篚進皇帝受瓚侍中酌壘水又侍中奉盤皇帝洗瓚黃門侍郎又授巾

皆如前皇帝拭瓚訖侍中奠盤匱黃門侍郎受巾奠于篚皆  
如常太常卿引皇帝樂作皇帝升自阼階樂止侍中中書令  
以下及左右侍衛量人從升太常卿引皇帝詣獻祖尊彝所  
執樽者舉纂侍中贊酌鬱酒訖登歌作肅和之樂以圜鐘之  
均自後登歌  
皆歌圜鐘太常卿引皇帝入詣獻祖神坐前北向跪以鬯

裸地奠之俛伏興太常卿引皇帝出戶北向再拜訖太常卿  
引皇帝詣懿祖尊彝所執樽者舉纂侍中取瓚于坫進皇帝  
受瓚侍中贊酌鬱酒訖太常卿引皇帝入詣懿祖神坐前北

向跪以皂裸地奠之俛伏興太常卿引皇帝出戶北向再拜  
訖太常卿引皇帝次裸太祖次裸代祖次裸高祖次裸太宗  
次裸高宗次裸中宗次裸睿宗並如上儀訖登歌止太常卿  
引皇帝樂作皇帝降自阼階至版位西向立樂止

饋食

皇帝既升裸太官令出帥進饌者奉饌陳于東門之外謁者  
引司徒出詣饌所遂奉獻祖之俎初皇帝既至位樂止太官  
令引饌入自正門俎初入門雍和之樂作以無射之均饌至



泰階樂止諸太祝迎引于階上各于神坐前設訖謁者引司徒降復位諸太祝各還樽所太常卿引皇帝詣壘洗樂作皇帝至壘洗樂止皇帝盥手洗爵侍中黃門侍郎贊洗皆如晨裸之儀訖太常卿引皇帝樂作皇帝升自阼階訖樂止太常卿引皇帝詣獻祖樽所執樽者舉罍侍中贊酌醴齊訖壽和之樂作太常卿引皇帝入詣獻祖神坐前北向跪奠爵俛伏興太常卿引皇帝出戶北向立樂止太祝持版進于室戶外之右東向跪讀祝文

祝文臨時撰告以觀征意

訖興皇帝再拜又再拜

初讀祝文訖樂作太祝入奠版于神坐出還樽所皇帝拜訖  
樂止太常卿引皇帝次詣懿祖太祖代祖高祖太宗高宗中  
宗睿宗樽彝所酌獻跪讀祝文再拜皆如獻祖之儀

惟不盥手

訖

太常卿引皇帝詣東序西向立樂作皇帝獻將畢謁者引司  
徒升自東階立于前楹之間北面諸太祝各以爵酌上樽福  
酒合置一爵一太祝持爵以授侍中侍中受爵北向進皇帝  
再拜受爵跪祭酒啐酒奠爵俛伏興諸太祝各帥齋郎持俎  
進太祝減神前胙肉又以邊取黍稷飯皆如常還樽所以黍

稷飯共置一籩以胾肉共置一俎上先以飯授司徒司徒進皇帝受以授左右又以俎授司徒司徒奉進皇帝受以授左右皇帝跪取爵遂飲卒爵侍中進受爵以授太祝太祝受爵復于坵皇帝俛伏興再拜樂止太常卿引皇帝樂作皇帝降自阼階還版位西向立樂止謂者引司徒降復位皇帝既降謂者引諸軍將自東階進立于皇考睿宗大聖真皇帝室戶前北向西上初軍將升諸太祝各帥齋郎以爵酌鬯福酒進立于軍將之東西向北上軍將俱再拜

受爵跪祭酒啐酒奠爵興諸太祝各帥齋郎受爵復于坵

軍將興俱再拜謁者引軍將降復位登歌作諸祝各入室

徹豆出還樽所

徹者邊豆各一少移于故處

奉禮曰賜胙贊者唱衆官

再拜衆官在位者皆再拜

已飲福者不拜

樂作太常卿前奏稱請

再拜退復位皇帝再拜奉禮曰衆官再拜衆官在位者皆

再拜樂一成止太常卿前奏禮畢太常卿引皇帝還大次

樂作皇帝出門樂止殿中監前受鎮圭華蓋侍衛如常

儀皇帝入次謁者贊引各引在位者以次出贊引引御

史太祝以下俱復執事位立定奉禮曰再拜御史以下皆再拜贊引引出工人以次出太廟令太祝宮闈令納神主如常儀其祝版燔于齋坊

### 鑾駕還宮

皇帝既還大次侍中版奏請解嚴

將士不得輒離部位

皇帝仍武

弁乘革輅鼓吹振作奏請還宮如常儀

### 凱旋獻俘

凱旋告日陳俘馘于南門之外北面西上軍實陳于後

其告奠之禮皆與告禮同

解嚴

未解嚴前一日本司各隨職供辦尚舍奉御鋪御幄坐于太極殿中楹之間南向如常守宮設文武百官次于東西朝堂奉禮于東西朝堂設文武百官版位如初典儀設位于殿庭文東武西皆重行北向相對為首設典儀位于東階東南贊者二人在南差退乘黃令陳革輅旌旗之屬于殿庭其日平明諸衛各勒所部屯門列仗

百官服袴褶督將服戎服皆集朝堂次晝漏上水五刻  
侍中版奏請中嚴鉞戟以次列于殿庭上水七刻典謁  
引羣官以次入就位上水十刻應迎奉之官詣西閣奉  
迎侍中版奏外辦皇帝服通天冠絳紗袍御輿以出曲  
直華蓋警蹕如常儀皇帝出自西方即御座侍臣夾侍  
如常儀典儀稱再拜贊者承傳羣官皆再拜通事舍人  
以次引羣官出侍中跪奏禮畢俛伏興還侍位皇帝降  
坐御輿入自東房侍臣從至閤如常

大唐開元禮卷八十三